

ТОШКЕНТ ОҚШОММИ

Газета 1966 йил 1 июлдан чиқа бошлаган

ШАХАР ИЖТИМОЙ-СИЁСІЙ КУНДАЛИК ГАЗЕТАСИ

№ 166 (11.477)

Баҳоси эркин нархда



«Мустақиллик биз учун — ўзлигимизни англаш, юрт тинчлиги ва барқарорлигининг, инсон манфаати, эркинлиги ва фаровонлигининг, биз кўзлаган демократик жамият барпо этишнинг гаровидир»

ПОЙТАХТНИНГ БИР КУНИ

Бугун бутун Ўзбекистонда қўш байрам шуқуқи кезмокда. Энг улуг, энг азиз байрам — давлатимиз Мустақиллигининг 18 йиллиги ва азим шаҳримиз Тошкентнинг 2200 йиллик тўйини нишонлаш арафасидамиз. Бу қутлуг саналар барчамиз учун бирдек азиз ва бирдек аҳамиятга эгадир.



ДУРЛАР ИЧРА ДУРДОНАМ, ВАТАН!

Истиқлол йилларида эришган мислсиз ютуқларимиз авваломбор Ватанимиз остонаси — ўзининг 22 асрлик тўйига юз тутатган Тошкент сиймосида кўзгудек нурафшон бўлаётди. Давлатимиз раҳбарининг куни кеча имзолаган Тошкент шаҳрини «Мустақиллик» ордени билан мукофотлаш тўғрисидаги Фармони, шуҳасис, барчамизга кўтаринки кайфият, қалбимизга гурур бахш этди, янги-янги марраларни забт этишга, бундан-да улугвор ишларга қодир эканимизга далда берди. Дарҳақиқат, юртимизда миллий давлатчиликни шакллантириш, мустақил ҳуқуқий демократик давлат барпо этиш, тинчлик ва барқарорликни мустаҳкамлаш, давлатлараро ҳамкорлик, халқлар ўртасидаги дўстлик муносабатларини ривожлантиришга қўшган катта ҳиссаси, эзгу аъналарни сақлаш, маданий, маънавий-маърифий ҳаётимизни юксалтириш, ёш авлодни Ватанга муҳаббат, миллий ва умумбашарий қадриятлар руҳида тарбиялаш борасидаги улкан хизматлари учун азим шаҳримиз бундай юксак мукофотга лойиқдир.

Кутлуг байрамларни муносиб кутиб олиш мақсадида яқинда барчамиз умумхалқ ҳаширада иштирок этиб, шаҳарларимиз, маҳалларимиз, кўчаларимиз янада обод бўлиб, чирой очилишига ҳисса қўшишга ҳаракат қилдик. Бунинг натижаси салмоқли ва биринчи навбатда шаҳримиз кўрида намой бўлаётди. Азим Тошкент шу кунларда янада гўзаллашиб, том маънода гуллар шаҳрига айланиб бораётганининг гувоҳимиз. Ва бу барчамизнинг меҳнатимиз самарасидир.

Ўзбекистон Миллий матбуот марказида «Энг улуг, энг азиз» республика кўрик-танлови голибларига мукофотларни топшириш маросими бўлиб ўтди. Шу муносабат билан бу ерга тегишли вазирлик ва идоралар, ижодий ва жамоат ташкилотлари вакиллари, санъат, маданият соҳалари, оммавий ахборот воситалари ходимлари тақлиф этилди.

ЯНГИ ПАРВОЗЛАРГА УНДАЁТГАН ТАНЛОВ

Ўзбекистон Журналистлари ижодий уюшмаси раиси Ш.Фулмолов, Ўзбекистон Матбуот ва ахборот агентлиги бош директори Б.Алимов ва бошқалар Президентимиз Ислам Каримов раҳнамолигида Ватанимизни янада равнақ топтириш, ҳаётимизнинг барча йўналишларида олиб борилаётган ислохотларни чуқурлаштириш, жамиятимизни янгилаш, иқтисодиётимизнинг барқарор ўсиш суръатларини таъминлаш, халқимиз фаровонлигини оширишдек маъсулиятли жараёнлар маънавий-маърифий соҳада олиб борилаётган кенг қўламли ижодий ўзгаришлар билан ҳамбарчас боғлиқ эканини таъкидладилар.

Танлов ушбу тақдим этилган ижодий ишларда истиқлол эл-юртимиз учун ўз тақдирининг ҳақиқий эгаси бўлиб, ўз қадр-қимматини англаб, муносиб ҳаёт кечириб, ўз кенг имконияти бергани, инсон ҳуқуқи ва эркинликларини рўйбега чиқариш, ҳеч кимдан кам бўлмайдиган ҳаёт барпо этишнинг мустаҳкам замини бўлиб келаётгани ёрқин ва юксак оҳангларда акс эттирилгани эътиборга моликдир. Айни пайтда ушбу ижодий беллашув адабиёт, журналистика, тасвирий, фото, кино санъатлари соҳасида янгидан-янги пухта, юксак савияли асарларнинг яратилишида муҳим омили бўлиб хизмат қилмокда.

Назокат УСМОНОВА, ЎЗА мухбири

ТОШКЕНТ — МАТБУОТ НИГОҲИДА

Ушбу мавзудаги давра суҳбати Ўзбекистон Республикаси Олий Мажлиси Қонунчилик палатаси томонидан Тошкент шаҳар ҳокимлиги билан ҳамкорликда ташкил этилди.

Кун тартибда яқинлашиб келаётган қўш байрамлар — давлатимиз Мустақиллигининг 18 йиллиги ҳамда Тошкент шаҳрининг 2200 йиллик тўйига таратдуднинг оммавий ахборот воситалари томонидан ёритилиши хусусида сўз борди. Таъдбирда қўйи палата депутатлари, етакчи нашрлар, агентлик, телевидение ва радио журналистлари, шаҳар ҳокимлиги мутасаддилари, тарихчи олимлар ҳамда бир қатор жамоат ташкилотлари вакиллари қатнашди. Дастлаб давлатимиз раҳбарининг Тошкент шаҳрининг 2200 йиллигига тийёрлик кўриш ва уни ўтказиш тўғрисидаги Қарорига мувофиқ пойтахтда 14 та гуруҳ ташкил этилгани, шу жумладан оммавий ахборот воситаларида юбилей таратдудларининг кенг ва атрофли ёритилишини таъминлаш мақсадида алоҳида ижодий гуруҳ фаолият юритаётгани хусусида ахборот берилди.

ҚИСКА САТРЛАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

- БЕКТЕМИР туманида юртимиз Истиқлолининг 18 йиллиги ҳамда азим шаҳримизнинг 2200 йиллиги тантаналари олдидан тумандаги кам таъминланган оилалар фарзандларининг суннат тўйлари ҳамойлар ёрдамида уюштирилди.
- БУГУН Ҳамза туманидаги «Тенгдош» маданият уйида ёшларнинг бўш вақтларининг сермазмун ўтишини таъминлаш мақсадида тўғарақлар, ўқув курслари, спорт секцияларига жалб этиш масалаларига бағишлаб услубий кенгаш уюштирилди.
- ЧИЛОНЗОР туманидаги «Бектўпи» маҳалласида туман ҳокимлиги, туман хотин-қизлар кўмитаси, Маънавият тарғибот маркази, «Маҳалла» жамғармасининг туман бўлими, туман маданият ва спорт ишлари бўлими ҳамкорликларида уюштирилган «Ягонасан, муқаддас Ватан» мавзудаги таъдбир юртимиз Истиқлолининг 18 йиллиги ҳамда пойтахтимизнинг 2200 йиллигига бағишланди.

МАМЛАКАТИМИЗДА

- Тошкент вилояти Маънавият ва маърифат марказида вилоят касаба уюшма ташкилотлари бирлашмаси кенгаши томонидан уюштирилган «Маънавият инсонлар муваффақиятининг гаровидир» деб номланган кўрик-танлов ўтказилди. Унда вилоятдаги касаба уюшма етакчилари, кўмита раислари, тармоқ касаба уюшмасининг туман, шаҳар кенгаши раислари, вакиллар маънавият-маърифат, етакчининг ўзига хос фазилатлари борасида ўзаро баҳс юритдилар.
- Мустақиллигимизнинг 18 йиллиги арафасида Тошкент вилоятининг Ўрта Чирчиқ туманида «Секко Александре» Ўзбекистон — Италия — Россия қўшма корхонаси иш бошлади. Қишлоқ хўжалик маҳсулотларини қайта ишлашга ихтисослашган ушбу корхонада қунига 2,5 тоннадан ортиқ мева-сабзавот маҳсулотларини қайта ишлаш ва қадоқлаш имконияти мавжуд. Янги корхонада 80 нафарга яқин йигит-қиз иш билан таъминланди.
- Наманганда Асака автозаводида ишлаб чиқарилаётган автомобиллар учун чироклар ва фонарлар тайёрлашга ихтисослашган «УзЧасус» масъулияти чекланган жамияти ўз фаолиятини бошлади. Қисқа вақт ичида бу ерда халқаро андозаларнинг барча талабларига жавоб берувчи маҳсулотнинг дастлабки тажриба туркуми — «Нексия» ва «Матиз» автомобиллари учун чироклар ва фаралар ишлаб чиқарилди. Корхонага касб-хўна қоллежлари битирувчилари бўлмиш 100 дан ортиқ маҳаллий ёшлар ишга қабул қилинди.
- Наманган шаҳридаги Бобур номли маданият ва истироҳат боғида «Биз соғлом турмуш тарзи учун, биз билан бирга бўл!» шiori остида ижтимоий тадбир ўтказилди. Ижтимоий ташаббусларни қўллаб-қувватлаш фонди ташаббуси билан «Соғлом ёшлар» лойиҳаси доирасида ташкил этилган мазкур акцияда 3500 дан ортиқ ёшлар иштирок этди.
- Янгийул туманидаги Гулбахор шаҳарчасида жойлашган «Аҳил» маҳалласидаги уч мингдан ортиқ аҳоли учун тоза ичимлик сувида фойдаланиш имкониятлари яхшиланди. Бу ерда чуқурликда ишлайдиган электр насос ўрнатилди, магистрал сув тармоғи ва хўжаликлараро ичимлик суви линияси ўтказилди.
- Москва областида 34 мамлакатнинг 70 дан ортиқ етакчи самолётсозлик компаниялари қатнашган халқаро «Макс-2009» авиакосмик салони кеча якунланди. Таъкидлаш жоизки, бир ҳафта давомида бу ерда ҳамми 10 миллиард доллардан ортиқроқ миқдордаги битимлар имзоланди.
- Покистоннинг шимоли-ғарбий қисмида «Тобитон» ҳаракатининг 12 нафар жангариси таслим бўлди.
- Гондураснинг муваққат ҳукумати Венесуэла ва Аргентина дипломатларига ўз элчионаларини тарк этишни таъқиқлади.
- Россиядаги Саян-Шушен ГЭСининг йirik аварияга учраган машина залида тиклаш ишлари бошланди. Сўнги маълумотларга кўра авария натижасида бу ерда 69 киши ҳалок бўлган, 6 киши бедарак йўқолган.
- АҚШда «Минитмен-3» русумли қитъалараро баллистик ракетаининг парвози муваффақиятли кечди.
- Ироқда 14 август кuni амалга оширилиб, 100 кишининг ҳаётига зомин бўлган ва 1200 га яқин аҳоли турли даражадаги тан жароҳатларини олган йирик террорчилик ҳаракатининг ташкилотчилари қўлга олинди.
- Греция пойтахти Афина шаҳри атрофида кучли ўрмон ёнгинлари давом этмокда. Жазирама иссиқ ва кучли шамол ёнгиннинг тез ёйилишига замин яратмокда. Яқин атрофдаги аҳоли пунктларидан кишилар хавфсиз жойларга кўчирилмокда. Шу муносабат билан Афинада фавқулoding ҳолат эълон қилинди, Греция ҳукумати яқин атрофдаги кўшнликлардан ёрдам сўради. Ҳозирда Испания, Португалия, Франция ва Италия ўт ўчирувчилари ўз техника воситалари билан ёрдамга келишган.
- Саудия Арабистонида босқинчилик қилишда, курол-яроғ савдосида ва портлатиш мосламалари тайёрлашда гумон қилинган 44 нафар жангари ҳибсга олинди. Мамлакат Ички ишлар вазирлиги вакилининг маълумотига кўра, жангарилардан 17 та автомат, 50 та пулемёт ва 96 та детонатор тортиб олинган.
- General Motors автомобиль компаниясининг директорлар кенгаши Германиянинг Opel автокомпаниясининг янги соҳиб-ҳақидаги масалани кўриб чиқади.





